

სტუდენტურ- ახალგაზრდული სათათბირო

წესდება

წინამდებარე წესდება მიღებულია

„სტუდენტურ-ახალგაზრდული სათათბიროს“

წევრთა საერთო კრების მიერ 2009 წლის 15 დეკემბერს.

კრების თავმჯდომარე:



/ნ. გიგიაძე/



1. ზოგადი დებულება

1. „სტუდენტურ-ახალგაზრდული სათათბირო“ (შემდგომში სათათბირო) წარმოადგენს რეგიონალურ, ახალგაზრდულ, არაპოლიტიკურ, არასამთავრობო, არასამეწარმეო, ნებაყოფლობით წევრობაზე დაფუძნებულ საზოგადოებრივ გაერთიანებას.
2. სათათბირო თავის საქმიანობას წარმართავს საქართველოს უონსტიტუციის, მოქმედი კანონმდებლობისა და წინამდებარე წესდების შესაბამისად.
3. სათათბიროს ორგანიზაციულ/სამართლებრივი ფორმაა კავშირი.
4. სათათბირო რეგისტრაციის მომენტიდან წარმოადგენს იურიდიულ პირს და გააჩნია იურიდიული პირისათვის დამახასიათებელი ყველა საჭირო ატრიბუტია.
5. სათათბირო უფლებამოსილია ფლობდეს განუყოფელ ქონებას, დადოს ხელშეკრულებები, გარიგებები, კონტრაქტები, გამოვიდეს მოსარჩელედ ან მოპასუხედ სასამართლოში.
6. თავისი მიზნებიდან გამომდინარე, სათათბიროს შეუძლია დააფუძნოს ფილიალები და მოქმედებდეს როგორც საქართველოს მთელ ტერიტორიაზე, ასევე მის ფარგლებს გარეთ.
7. სათათბიროს მისამართია: 3500, საქართველო, ქ. ოზურგეთი, გაბრიელ უპისკოპოსის 3

2. სათათბიროს მიზნები

1. სათათბიროს მიზნებია:

- ❖ ახალგაზრდობის უფლებათა და თავისუფლებათა დაცვა;
- ❖ სამოქალაქო საზოგადოების მშენებლობა, ახალგაზრდობაში სამართალშეგნებისა და სამოქალაქო ცნობიერების დონის ამაღლება;
- ❖ დემოკრატიული მმართველობის/თვითმმართველობის დამკვიდრებისა და განვითარების ხელშეწყობა;
- ❖ სხვადასხვა სახის ახალგაზრდულ, სტუდენტურ ორგანიზაციათა ჩამოყალიბებისა და განვითარების ხელშეწყობა, მათი უონსოლიდაცია საერთო საქმიანობის განსახორციელებლად;
- ❖ ახალგაზრდობის, სტუდენტების საზოგადოებრივ ცხოვრებაში აქტიური ჩაბმის, თავისუფალი დროის რაციონალური გამოყენების ხელშეწყობა;
- ❖ მოხალისეობის პოპულარიზაცია და განვითარების ხელშეწყობა;
- ❖ ახალგაზრდობაში ცოდნისა და სწავლის მნიშვნელობის რეაბილიტაციის ხელშეწყობა;
- ❖ სტუდენტების პროფესიული დაოსტატებისა და უვალდიფიკაციის დონის ამაღლების, მათთვის სათანადო ბიბლიოთეკების, მატერიალურ-ტექნიკური ბაზის შექმნის ხელშეწყობა;
- ❖ უანსადი ცხოვრების პროპაგანდა და დამკვიდრება;
- ❖ ახალგაზრდობაში ინფორმაციული ვაკუუმის შევსება, დამოუკიდებელი საინფორმაციო საშუალებების ჩამოყალიბება;
- ❖ ეკოლოგიური და სოციალური პრობლემების შესწავლა, მათი გადაჭრის გზების ძიება, ახალგაზრდობის აქტიური ჩაბმა უონკრეტული პრობლემების გადაწყვეტაში;
- ❖ უულტურული ტრადიციებისა და მემკვიდრეობის დაცვა;
- ❖ სხვადასხვა დონის არჩევნების (ადგილობრივი თვითმმართველობის/მმართველობის, საპარლამენტო, საპრეზიდენტო) სამართლიანად და გამჭვირვალედ ჩატარების ხელშეწყობა და მონიტორინგის წარმოება.

3. სათათბიროს საქმიანობის ფორმა

1. სათათბირო თავისი მიზნების განსახორციელებლად უფლებამოსილია:

- ✓ ჩაატაროს სემინარები, დისკუსიები, უონფერენციები, პრეზენტაციები, ფესტივალები, უონკურსები, სხვადასხვა სახის აქციები;
- ✓ ორგანიზება გაუკეთოს და წარმართოს საზოგადოებრივი ინტერესების დაცვის კამპანიები სტუდენტ-ახალგაზრდობის აქტიური მონაწილეობით;
- ✓ ითანამშრომლოს სხვადასხვა სახის საზოგადოებრივ კავშირებთან, სახელისუფლებო სტრუქტურებთან, საერთაშორისო და ადგილობრივ დონორებთან;
- ✓ მონაწილეობა მიიღოს საერთაშორისო ორგანიზაციათა პროგრამებსა და უონკურსებში, გამოვიდეს პროგრამებისა და უონკურსების ინიციატორად;
- ✓ დააფუძნოს მასობრივ-საინფორმაციო საშუალებათა სამსახურები, გამოუშვას სხვადასხვა სახის ბუქლეტი ლიტერატურა;

- ✓ ეწეოდეს დამხმარე ხასიათის სამეწარმეო საქმიანობას, რომელიც არ ცვლის სათათბიროს, როგორც არასამეწარმეო იურიდიული პირის ხასიათს;
 - ✓ ეწეოდეს სხვა საქმიანობას, რომელიც არ არის უკანონო აკრძალული.
2. სათათბიროს გააჩნია თავისი დამოუკიდებელი საინფორმაციო ბუჭტვითი ორგანო, რომლის პერიოდიკასა და საინფორმაციო დატვირთვას განაგებს სათათბიროს გამგეობის მიერ დანიშნული რედაქტორი.

4. სათათბიროს წევრობა. წევრთა უფლება/მოვალეობები

1. სათათბიროს წევრი შეიძლება გახდეს საქართველოს მოქალაქე ან/და უცხო ქვეყნის მოქალაქე, რომელიც იზიარებს სათათბიროს მიზნებსა და წინამდებარე წესდების მოთხოვნებს.
2. სათათბიროს წევრთა საერთო რაოდენობის 2/3-ის ასაკი არ უნდა აღემატებოდეს 26 წელს.
3. დაუშვებელია სათათბიროში განწევრიანებაზე უარის თქმა: სქესის, ეროვნების, სარწმუნოების, სოციალური მდგომარეობის, ეთნიკური უთვისნილებისა და პოლიტიკური შეხედულებების გათვალისწინებით.
4. სათათბიროში პირის გასაწევრიანებლად საჭიროა სათათბიროს გამგეობის წევრის რეკომენდაცია. განცხადება სათათბიროში განწევრიანების თაობაზე იწერება სათათბიროს გამგეობის სახელზე.
5. სათათბიროში განწევრიანების მსურველ პირს ეძლევა საგამოცდო ვადა 30 (ოცდაათი) დღის განმავლობაში, სათათბიროს გამგეობის გადაწყვეტილებით აღნიშნული ვადა შეიძლება გაგრძელდეს/შემოკლდეს.
6. სათათბიროში განწევრიანებულ პირს უფლებამოსილება უწყდება:
 - ✓ პირადი განცხადების საფუძველზე;
 - ✓ სასამართლოს გადაწყვეტილებით მისი არაქმედუნარიანად ცნობისას.
7. სათათბიროს წევრის უფლებამოსილების ჩამორთმევა შესაძლებელია მხოლოდ სათათბიროს წევრთა საერთო ყრების გადაწყვეტილებით, ღია კენჭისყრით, თუ:
 - ✓ წევრის ქმედება ეწინააღმდეგება სათათბიროს მიზნებს;
 - ✓ წევრი უხეშად არღვევს სათათბიროს წესდებსა და შინაგანაწესს;
 - ✓ წევრი არღვევს წესდებით მასზე დაკისრებულ მოვალეობებს;
 - ✓ წევრი 3 (სამი) თვის განმავლობაში არ გადაიხდის გამგეობის მიერ დაწესებულ საწევრო გადასახადს;
 - ✓ წევრი ზედიზედ 3 (სამ) ჯერ არ დაესწრება სათათბიროს საერთო ყრებს.
8. გარიცხულ წევრს აღნიშნული გადაწყვეტილება შეუძლია გაასაჩივროს სასამართლოში.
9. სათათბიროს დამფუძნებლები და შემდგომ განწევრიანებული პირები სარგებლობენ თანაბარი უფლება/მოვალეობებით.
10. დაუშვებელია სათათბიროს წევრობის სხვა პირზე გადაცემა.
11. სათათბირო არ არის პასუხისმგებელი წევრთა მიერ სათათბიროსაგან დამოუკიდებლად შექმნილ ვალდებულებებზე.
12. სათათბირო უფლებამოსილია დაიცვას და წარმოადგინოს თავისი წევრების უკანონო ინტერესები სახელმწიფო თუ კომერციულ ორგანიზაციათა და სამართალდამცავ ორგანოებთან მიმართებაში.
13. სათათბიროს ნებისმიერ წევრს ეკრძალება სათათბიროს სახელით პოლიტიკური ან სხვა სახის განცხადების გაკეთება, რომელიც ეწინააღმდეგება სათათბიროს მიზნებსა და გამგეობის გადაწყვეტილებებს. წესდების ამ პუნქტის დამრღვევი ავტომატურად ირიცხება სათათბიროდან, რაზედაც ყოველთვის სათანადო განცხადება.
14. სათათბიროს წევრს უფლება აქვს:
 - აირჩიოს და არჩეული იყოს სათათბიროს ნებისმიერ ხელმძღვანელ ორგანოში;
 - მიიღოს მონაწილეობა სათათბიროს საქმიანობაში და ნებისმიერი საკითხის განხილვაში;
 - განცხადებით, კითხვით, წინადადებით მიმართოს სათათბიროს ნებისმიერ ორგანოს/თანამდებობის პირს;
 - მოითხოვოს და მიიღოს ინფორმაცია სათათბიროს საქმიანობასთან დაკავშირებით;
 - სათათბიროს მიზნებიდან გამომდინარე, ისარგებლოს სათათბიროს საკუთრებაში არსებული მატერიალურ/ ტექნიკური საშუალებებით;
 - გავიდეს სათათბიროდან თავისი სურვილის შესაბამისად.
15. სათათბიროს წევრი ვალდებულია:
 - დაიცვას სათათბიროს წესდება და შინაგანაწესი;

- მიიღოს აქტიური მონაწილეობა სათათბიროს საქმიანობაში და შეასრულოს მასზე დაკისრებული დავალებები;
- იზრუნოს სათათბიროს მიზნების, სამუშაო პროგრამის რეალურად გატარებისათვის;
- თავისი მოქმედებით ან უმოქმედობით არ მიაყენოს მატერიალური ან მორალური ზიანი სათათბიროს;
- გადაიხადოს საწევრო გადასახადი სათათბიროს გამგეობის მიერ დადგენილი წესითა და ოდენობით.

5. სათათბიროს ორგანიზაციული სტრუქტურა

წევრთა საერთო ყრება

1. სათათბიროს უმაღლესი ხელმძღვანელი ორგანოა წევრთა საერთო ყრება, რომელიც იმართება სულ მცირე წელიწადში ერთჯერ, დეკემბრის თვეში.
2. რიგგარეშე საერთო ყრება მოიწვევა სათათბიროს საერთო წევრთა 1/10-ის, გამგეობის წევრთა 2/3-ის ან/და გამგეობის თავმჯდომარის წერილობით მოთხოვნითა და დღის წესრიგის მინიშნებით.
3. წერილობითი მოთხოვნა იწერება სათათბიროს გამგეობის თავმჯდომარის სახელზე, რომელიც ვალდებულია მიიღოს გადაწყვეტილება ყრების მოწვევის თარიღის და ადგილის შესახებ არაუგვიანეს განცხადების შემოტანიდან 3 (სამი) დღის ვადაში.
4. როგორც რიგითი, ასევე რიგგარეშე ყრების მოწვევას უზრუნველყოფს სათათბიროს გამგეობის თავმჯდომარე.
5. განცხადება, როგორც რიგითი, ასევე რიგგარეშე ყრების მოწვევის თარიღის, ადგილისა და დღის წესრიგის შესახებ, ქვეყნდება სათათბიროს საინფორმაციო ბუჭდვით ორგანოში ან/და იკრება სათათბიროს საინფორმაციო დაფაზე ან/და პირადად ეცნობებათ სათათბიროს წევრებს ყრებამდე არაუგვიანეს 14 (თოთხმეტი) დღით ადრე.
6. საერთო ყრების გადაწყვეტილება ნამდვილია მხოლოდ მაშინ, თუ საკითხი შეტანილი იყო დღის წესრიგში.
7. საერთო ყრება უფლებამოსილია, თუ მას ესწრება სათათბიროს წევრთა საერთო რაოდენობის 1/3-დი.
8. გადაწყვეტილების მიღება ხდება ხმათა უბრალო უმრავლესობით. კენჭისყრა ყრებაზე ღიაა, სათათბიროს გამგეობის გადაწყვეტილებით დასაშვებია ფარული კენჭისყრაც.
9. როგორც რიგითი, ასევე რიგგარეშე ყრების ჩატარებისას დგება ოქმი, რომელშიც თანმიმდევრულ ასახვას ჰპოვებს ყრებაზე განხილული საკითხები და შესაბამისი გადაწყვეტილებანი. ოქმს ხელს აწერენ ყრების თავმჯდომარე და მდივანი.
10. საერთო ყრების კომპუტენციას განეკუთვნება:
 - 10.1. ყრებაზე დამსწრეთა 2/3-ის ხმათა უმრავლესობით:
 - სათათბიროს გამგეობის წევრების არჩევა;
 - გადაწყვეტილების მიღება სათათბიროდან წევრის გარიცხვის შესახებ;
 - სათათბიროს პროგრამული მიმართულებების კოორდინატორების მიერ წარდგენილი წლიური სამუშაო პროგრამის ძირითადი მიმართულებების მიღება/დამტკიცება;
 - სათათბიროს პროგრამული მიმართულებების კოორდინატორების, ფინანსური მენეჯერის, გამგეობის თავმჯდომარის ანგარიშების მოსმენა/დამტკიცება;
 - 10.2. სათათბიროს საერთო წევრთა 4/5-ის ხმათა უმრავლესობით:
 - სათათბიროს წესდების მიღება, მასში ცვლილებების შეტანა;
 - სათათბიროს გამგეობის გადაწყვეტილებაზე ვეტოს დადების უფლება;
 - გადაწყვეტილების მიღება სათათბიროს მიზნების შეცვლის, ლიკვიდაციის ან რეორგანიზაციის შესახებ.
11. სათათბიროს ყველა წევრს აქვს ერთი ხმის უფლება. წევრებს, რომლებიც ვერ ესწრებიან საერთო ყრებას, შეუძლიათ წერილობით მიიღონ მონაწილეობა კენჭისყრაში. ისინი უთანაბრდებიან ყრებაზე დამსწრეებს.
12. ფილიალები ყრებაზე წარმოდგენილი არიან თავისი ხელმძღვანელებით, რომელთაც გააჩნიათ თითო ხმის უფლება.

გამგეობა

13. წევრთა საერთო ყრებებს შორის სათათბიროს ხელმძღვანელი ორგანოა გამგეობა.
14. გამგეობის წევრთა რაოდენობა განისაზღვრება სამი წევრით, რომლებსაც ირჩევს სათათბიროს საერთო ყრება, ფარული კენჭისყრით, წევრთა საერთო სიის მიხედვით. სათათბიროს თითოეულ წევრს აქვს იმდენი ხმის უფლება, რამდენი წევრიცაა ასარჩევი.
15. გამგეობის შემადგენლობაში ავტომატურად შედიან ფილიალების ხელმძღვანელები.

16. გამგეობის წევრები აირჩვიან 24 (ოცდაოთხი) თვის ვადით, ისინი შეიძლება ხელმეორედ იქნენ არჩეული.

17. გამგეობის ყრება იმართება ყოველი თვის პირველ ორშაბათ დღეს. რიგგარეშე ყრება მოიწვევა სათათბიროს საერთო წევრთა 2/3-ის, გამგეობის წევრთა 2/3-ის ან/და გამგეობის თავმჯდომარის ინიციატივით.

18. როგორც რიგითი, ასევე რიგგარეშე ყრების მოწვევას უზრუნველყოფს სათათბიროს გამგეობის თავმჯდომარე. გამგეობის წევრებს ყრების ჩატარების თარიღისა და ადგილის შესახებ პირადად ეცნობებათ ყრებამდე არაუგვიანეს 7 (შვიდი) დღისა, ხოლო რიგგარეშე ყრების მოწვევისას დაუყოვნებლივ.

19. გამგეობის ყრება უფლებამოსილია, თუ მას ესწრება გამგეობის საერთო წევრთა რაოდენობის 2/3-დი. გადაწყვეტილების მიღება ხდება ხმათა უბრალო უმრავლესობით, კენჭისყრა ყრებაზე ღიაა.

20. როგორც რიგითი, ასევე რიგგარეშე ყრების ჩატარებისას დგება ოქმი, რომელშიც თანმიმდევრულ ასახვას ჰპოვებს ყრებაზე განხილული საკითხები და შესაბამისი გადაწყვეტილებანი. ოქმს ხელს აწერენ ყრების თავმჯდომარე და მდივანი.

21. გამგეობის ყრების კომპეტენციას განეკუთვნება:

- სათათბიროში წევრად მიღება;
- სათათბიროს სამუშაო პროგრამების, პროექტების მიღება/დამტკიცება;
- სანესდებო მიზნების განსახორციელებლად პროგრამული მიმართულებების განსაზღვრა;
- სათათბიროს თანამდებობის პირებისა და მომსახურე პერსონალის საშტატო ერთეულებისა და მათ განაკვეთების განსაზღვრა/დამტკიცება;
- სათათბიროს თანამშრომლების შერჩევის მიზნით კონკურსის გამოცხადება, მისი ჩატარების წესის/პირობების განსაზღვრა;
- საკონკურსო წესით შერჩეული სათათბიროს თანამდებობის პირებისა და მომსახურე პერსონალის დანიშვნა/განთავისუფლება;
- გადაწყვეტილების მიღება სათათბიროს ფილიალების დაფუძნების შესახებ;
- სათათბიროს საწარმოების დაფუძნება, ხელმძღვანელი პირების დანიშვნა;
- პერიოდული საინფორმაციო ბუჭდვითი ორგანოს რედაქტორის დანიშვნა;
- გადაწყვეტილების მიღება სხვადასხვა სახის ბუჭდვითი ლიტერატურის გამოშვების თაობაზე;
- გამგეობის თავმჯდომარის მიერ წარდგენილი, სათათბიროს წლიური ბიუჯეტისა და ბალანსის მიღება/დამტკიცება;
- სათათბიროში საწევრო გადასახადების ოდენობისა და პერიოდულობის მიღება;
- შინაგანაწესის შემუშავება/დამტკიცება, მასში ცვლილებების შეტანა;
- საჯარიმო სანქციების მიღება/გაუქმება.

22. გამგეობის კომპეტენციაში აგრეთვე შედის ადმინისტრაციული საკითხებისა და ისეთი საკითხების გადაწყვეტა, რომლებიც არ საჭიროებენ საერთო ყრების მოწვევას.

23. გამგეობის წევრის უფლებამოსილების ვადაზე ადრე შეწყვეტის შემთხვევაში გამგეობის თავმჯდომარის მიერ 14 (თოთხმეტი) დღის ვადაში მოიწვევა სათათბიროს წევრთა რიგგარეშე საერთო ყრება, სადაც მოხდება გამგეობის გამოკლებული წევრის ნაცვლად ახალი წევრის არჩევა საერთო წესით.

გამგეობის თავმჯდომარე

24. სათათბიროს გამგეობის თავმჯდომარეს თავისი შემადგენლობიდან ირჩევს გამგეობის ყრება 24 თვის ვადით, ის შეიძლება ხელმოკრულ იქნას არჩეული.

25. გამგეობის თავმჯდომარის ჟანდიდატურის წამოყენების უფლება აქვს გამგეობის ნებისმიერ წევრს.

26. გამგეობის თავმჯდომარე:

- წარმოადგენს სათათბიროს ყველა დონეზე;
 - თავმჯდომარეობს გამგეობისა და საერთო ყრებებს;
 - სათათბიროს სახელით დებს ხელშეკრულებებს, გარიგებებს, მემორანდუმებს, კონტრაქტებს. ხელს აწერს სხვადასხვა სახის დოკუმენტებს;
 - განაჯრგავს სათათბიროს ფულად სახსრებსა და მატერიალურ საშუალებებს, ჰასუხისმგებელია მათ სწორ გამოყენებაზე.
 - ასრულებს წესდებით/შინაგანაწესით მასზე დაკისრებულ სხვა ფუნქციებს.
27. გამგეობის თავმჯდომარის უფლებამოსილების ვადაზე ადრე შეწყვეტის შემთხვევაში 3 (სამი) დღის ვადაში მოიწვევა გამგეობის რიგგარეშე ყრება სადაც მოხდება ახალი თავმჯდომარის არჩევა. ყრების მოწვევას უზრუნველყოფენ გამგეობის წევრები.

28. გამგეობის წევრის ან/და გამგეობის თავმჯდომარის უფლებამოსილების ვადამდე შეწყვეტა მათ მიერ წესდებით გათვალისწინებული მოვალეობების შეუსრულებლობის, უფლებამოსილების გადამეტების ან

სათათბიროს მიზნებთან შეუსაბამო საქციელისათვის შეუძლია მხოლოდ გამგეობის ყრუბას საერთო წევრთა 2/3-ის ხმათა უმრავლესობით. თუ გამგეობის წევრი წარმოდგენილი იყო საათათბიროს ფილიალით, მისი უფლებამოსილების ვადამდე ადრე წაწყვეტა შეუძლია წარმდგენი ფილიალის უმაღლეს ხელმძღვანელ ორგანოს.

სათათბიროს ფილიალები

29. ფილიალის დაფუძნების აუცილებელი პირობებია მინიმუმ 5 (ხუთ) კაციანი საინიციატივო ჯგუფის არსებობა, რომელთაც გააჩნიათ სურვილი გახდნენ ორგანიზაციის ფილიალი.
30. საინიციატივო ჯგუფი ვალდებულია განცხადებით დაფუძნების თაობაზე მიმართოს საათათბიროს გამგეობას, განცხადებაში აღნიშნული უნდა იყოს, რომ საინიციატივო ჯგუფის წევრები გაეცნენ და იზიარებენ საათათბიროს წესდებას, მიზნებსა და ამოცანებს. განცხადებაში უნდა იყოს მითითებული ფილიალის ხელმძღვანელი პირის კანდიდატურა.
31. საათათბიროს გამგეობა იღებს გადაწყვეტილებას ფილიალის დაფუძნების შესახებ არაუგვიანეს განცხადების შემოტანიდან ერთი თვის ვადაში.
32. ფილიალის სახელწოდებაში უნდა ჟღერდეს „სტუდენტურ-ახალგაზრდული საათათბიროს (ადგილმდებარეობა) ფილიალი“.
33. სათანადო რეგისტრაციის მომენტიდან ფილიალი წარმოადგენს დამოუკიდებელ იურიდიულ პირს, ყველა საჭირო ატრიბუტივით.
34. ფილიალები სარგებლობენ ფართო უფლებებით, მათ აქვთ უფლება დამოუკიდებლად განახორციელონ წინამდებარე წესდების მე-3 მუხლით „სათათბიროს საქმიანობის ფორმა“ გათვალისწინებული საქმიანობები.
35. ფილიალს შეუძლია მიიღოს თავისი წესდება და შინაგანაწესი, ჰქონდეს წინამდებარე წესებიდან განსხვავებული ორგანიზაციული სტრუქტურა, მაგრამ მას არ შეუძლია დამოუკიდებლად გამოცვალოს წინამდებარე წესდებით განსაზღვრული შემდეგი პუნქტები: 2. საათათბიროს მიზნები; 3. საათათბიროს საქმიანობის ფორმა; 4. საათათბიროს წევრობა. წევრთა უფლება/მოვალეობები.

6. საათათბიროს ქონება

1. საათათბიროს ქონება იქმნება:
 - საწევრო შენატანების, საათათბიროს წევრთა და სხვა ფიზიკურ თუ იურიდიულ პირთა შემოწირულობებისაგან;
 - საათათბიროს საწარმოო/სამეურნეო საქმიანობით მიღებული შემოსავლებისაგან;
 - სხვა კანონიერი შემოსავლებისაგან.
2. საათათბიროს შემოსავლები არ ნაწილდება საათათბიროს წევრთა შორის და გამოიყენება მხოლოდ საწესდებო ამოცანების შესასრულებლად.
3. გამონაკლის შემთხვევებში, გამგეობის გადაწყვეტილების საფუძველზე, კონკრეტული სამუშაოს შესრულება საათათბიროს წევრს შეიძლება აუნაზღაურდეს ჰონორარით.
4. საათათბიროს შეუძლია საყუთრებაში იქონიოს შენობა/ნაგებობანი, საცხოვრებელი ფონდი, მონყობილობა და ინვენტარი, სატრანსპორტო საშუალებანი, ფულადი სახსრები, ფასიანი ქაღალდები და სხვა ქონება, რომელიც საჭიროა საათათბიროს წესდებით გათვალისწინებული ამოცანების შესასრულებლად.
5. ფულადი სახსრების ხარჯვა ხორციელდება როგორც ნაღდი, ასევე უნაღდო ანგარიშსწორებით.

7. საათათბიროს საქმიანობის შეწყვეტა

1. საათათბიროს ლიკვიდაცია ხდება:
 - საათათბიროს საერთო ყრუბის გადაწყვეტილებით;
 - სასამართლოს გადაწყვეტილებით;
 - კანონით გათვალისწინებულ სხვა შემთხვევებში.
2. ლიკვიდაციას კანონით დადგენილი წესით ახორციელებს საათათბიროს გამგეობა.
3. ლიკვიდაციის შემდგომ დარჩენილი ქონება ნაწილდება მოქმედი კანონმდებლობის შესაბამისად.